



## He reta wātea e whakapāha ana ki te huka i tūkinotia i tā rātau noho tāwharau ki a mātau

Nā Tautoko Perehipitiriana Ōtākou (PSO) ēnei kupu, ka tuku tūmatawhānui nei tā mātau whakapāha mō te mamea me te tūkinotia i rakona ai e kā tamariki i noho ki raro i tā mātau whakaruruhau. Ko ā māua, ko te Toihau, ko te Tumu Whakarae anō hoki ki tauraki, ka arahina e māua te PSO ki te urupare, ā, ki te ako anō hoki i tēnei wāhaka whakahiatiki o ō mātau tāhuhu kōrero.

I whakatauhia e te Pakirehua o te Komihana o te Karauna ki te Tūkinotia o te Huka e Tautehia ana (Whanaketia) kā wheako kiriweti o ētahi o kā tamariki i te tautehia ai e te PSO ki ō mātau whare whakaruruhau. Nā te hui ki ētahi o kā tākata i puta whakamua mai, ko ākona e mātau i reira ētahi tākata, i whakapono ai mātau mā rātau kā tamariki e maimoa, i whakatūkinotia kētia aua tamariki. Ki ēnei tamariki, ko tō rātau wheako o te noho ki te kāika he mea whakamataku, he mea mau ā-hara, he mea mokemoke pū, 'e kore te kupu ēnei āhuataka e taea te whakamārama'. Nā te whakahapa o te PSO i hē rāia atu, kihai i poipoi i ētahi o ēnei tamariki i te wā whakahirahira rāia o ō rātau oraka. E mōhio ana mātau ko kā pāka o ēnei wheako ka mauroa, ā ka mau ki te pū o te ate. Tae noa atu ki tō rātau āhei ki tuku aroha, ki te noho piritahi ki tētahi hoa aroha i a rātau e pakeke ana. Mā reira ko tukuna kē e mātau ētahi kia whakawarea ai rātau e kā whakapōauau, e te waipiro anō hoki. Kātahi nā te kaha o te pōuri ka puta ki a mātau i ia wā ka rakona e mātau te tūkinotia i utaina atu ki ēnei tamariki, ā, e tino matapōuri ana i te pahawa atu o taua mahi.

Waihoki, e mōhio ana mātau, nā mātau tou te ara whakamahu i whakauaua i tā mātau whakahē i te huka i maimoatia ai e mātau hiahia ki ētahi kōrero whakahirahira i te pupurhia e mātau, ki ētahi kōrero mō ō rātau oraka i tā mātau turaki i ō rātau pūkete i kā tau 2017-2018. E mōhio ana mātau te hira mārie o aua pūkete, ehara i te mea ki te te huka i whai wāhi ki ō mātau whare whakaruruhau, ekari, ki ō rātau whānau anō hoki. E mōhio mārie ana mātau te nui tou o te hē i te turakitaka o aua pūkete, ā, e taki mōteatea hoki ana mātau i te poroka o aua here ki tō whakapapa, ki tōu ake tāhuhu kōrero.

E huritao tou ana te Poari i ā mātau kaupapa here, me ā mātau tukaka kia mātua whakarite te haumarua o taua huka, inarā kā kiteka o Whanaketia, te pūroko o te Komihana. Ka ū titikaha mātau ki te ako i kā akoraka nui ko whakahautia e te pūroko me te whai i te mārama pū ki te ara kia kaua tou e tūkinotia ai te iwi whakaraerae e noho ana ki ō mātau whare whakaruruhau, e whakatinana ana hoki ō mātau uara o te kākau tapatahi, te kauuanu, te māia, te manaakitaka me te aroha.

Hori atu i te kotahi rau tau ko tautokona, ko maimoatia te hia rau, te hia mano whānau o te hapori e te PSO. Ka ū kaha tou mātau ki tō mātau haepapa kia noho hai rika hāpai ki te hapori i noho roa ai mātau.

I a mātau e huritao tou ana, e whakamānawa tou ana mātau ki kā inoi me kā kōrero whakatenatena nō te hapori, inarā, nō ētahi o aua tākata tou i mūhoretia ai e mātau te atawhai.

I te kaha roko mātau i te māia o te huka i whakaputa ai ēnei kōrero, ā, ka akiakina hoki aua tākata i tūkinotia ai e mātau te whakapā mai. Ko whakataua mātau ki te whakahoki kōrero me te atawhai, me te aroha kia manakotia ai, mā te whakaroko, mā te mārama ka taea te mahi kātahi ki a koe ki te puretumutaka, ā, mā tō māramataka ka kana ki te whakarite tūāhua e kore rāia anō e pāhawa ana aua momo mahi, aua momo whakatauka.

Stephanie Pettigrew, Toihau

Robbie Moginie, Tumu Whakarae